

中國文學精華

注音

姚姬傳文

王益吾選本

姚姬傳文

揭要

先生嘗謂學問之途有三：義理詞章考據，不可偏廢。又與魯賓之書，備論文體陽剛陰柔之區別，而文之得乎陰與柔之美者，如初升日，如清風，如雲，如霞，如煙，如幽林曲澗，如淪如漾，如玉珠之輝，如鴻鵠之鳴，而入寥廓，論者謂先生自道其文云。

小傳

先生名鼐，字姬傳，一字夢穀，安徽桐城人，範弟淑之子。乾隆二十八年進士，改庶吉士散館，改禮部主事，充山東副考官，擢刑部郎中，任四庫館纂修官。書成乞養歸，主安徽敬敷，南京鍾山，揚州梅花等書院講席。嘉慶十五年，重宴鹿鳴，卒。

年八十有五。所著有九經說十九卷，三傳補注三卷，老子章義一卷，莊子章義十卷，惜抱軒詩文集三十八卷，筆記十卷，古文詞類纂七十五卷，今體詩鈔十六卷，書錄四卷，法帖題跋一卷。

注音
姚姬傳文

目次

李斯論	一	禮箋序	一二四
左傳補注序	四	泰山道里記序	一二五
西魏書序	六	書貨殖傳後	一二七
莊子章義序	九	辨逸周書	一二九
南園詩存序	一二	讀司馬法六韜	一二一
食舊堂集序	一四	讀孫子	一二四
揚雄太玄目錄序	一六	復汪進士輝祖書	一二五
恬菴遺稿序	二一	復張君書	一二六
張仲絮時文序	二二	復孔撝約論禘祭書	一二九

復魯絜非書·····	四四	四川北道按察副使鹿公墓誌銘·····	七〇
復蔣松如書·····	四六	·····	·····
復休寧程南書·····	四九	原任少詹事張君權厝銘·····	七二
贈孔撝約假歸序·····	五〇	翰林院庶吉士侍君權厝銘·····	七五
贈錢獻之序·····	五二	夏縣知縣新城魯君墓誌銘·····	七七
劉海峰先生八十壽序·····	五四	汪玉飛墓誌銘·····	七九
旌表貞節大姊六十壽序·····	五六	袁隨園君墓誌銘·····	八一
朱竹君先生家傳·····	五八	博山知縣武君墓表·····	八三
張逸園家傳·····	六〇	贈文林郎鎮安縣知縣婺源黃君墓誌銘·····	八五
張貞女傳·····	六四	·····	·····
宋雙忠祠碑文·····	六六	蔣君墓碣·····	八七
蕭孝子祠堂碑文·····	六八	亡弟君俞權厝銘·····	八八

建昌新城陳母楊太夫人墓誌銘八九	九
章母黃太恭人墓誌銘	九二
寶扇樓後記	九四
儀鄭堂記	九五
登泰山記	九七
遊靈巖記	九九
遊媚筆泉記	一〇一
快雨堂記	一〇二
寧國府重修北樓記	一〇三

孫忠愍祠記	一〇四
方正學祠重修建記	一〇七
記蕭山汪氏兩節婦事	一〇九
潘孝子贊	一一〇
寧化三賢像贊	一一一
太常寺卿萊陽趙公遺像贊	一一一
祭張少詹曾敝文	一一二
祭朱竹君學士文	一一四

注音

姚姬傳文

王益吾先生選本

李斯論

李斯，楚上蔡人，荀卿弟子，爲始皇相。始皇焚詩書，坑儒生，皆斯主謀。二世時，爲趙高譖死。

蘇子瞻謂李斯以荀卿之學亂天下，是不然，秦之亂天下之法，無待於李斯，斯亦未嘗以其學事秦。當秦之中葉，孝公卽位，得商鞅任之，商鞅教孝公燔詩書，明法令，設告坐之過，而禁游宦之民，因秦國地形便利，用其法，富強數世，兼并諸侯，迄至始皇。

始皇之時，一用商鞅成法而已，雖李斯助之，言其便利，益成秦亂，然使李斯不言其便，始皇固自爲之而不厭，何也？秦之甘於刻薄，而便於嚴法久矣。其後世所習，以爲善者也。斯逆探始皇二世之心，非是不足以中侈君而張吾之寵，是以盡舍其師荀卿之學，而爲商鞅之學，掃去三代先王仁政，而一切取自恣肆以爲

治，焚詩書，禁學士，滅三代法而尚督責，斯非行其學也。趨時而已。設所遭值非始皇二世，斯之術將不出於此，非爲仁也，亦以趨時而已。君子之仕也，進不隱賢，小人之仕也，無論所學識非也，卽有學識甚當，見其君國行事，悖謬無義，疾首頓蹙於私家之居，而矜夸導譽於朝廷之上，知其不義而勸爲之者，謂天下將諒我之無可奈何於吾君，而不吾罪也，知其將喪國家而爲之者，謂當吾身容可以免也。且夫小人雖明知世之將亂，而終不以易目前之富貴，而以富貴之謀，貽天下之亂，固有終身安享榮樂，禍遺後人，而彼宴然無與者矣。嗟乎！秦未亡而斯先被五刑夷三族也，其天之誅惡人，亦有時而信也邪？易曰：『眇音渺能視，跛音播能履，履虎尾，啞音迭人凶。』其能視且履者倖也；而卒於凶者，蓋其自取邪？且夫人有爲善而受教於人者矣，未聞爲惡而必受教於人者也。荀卿述先王而頌言儒效，雖閒有得失，而大體得治世之要，而蘇氏以李斯之害天下罪及於卿，不亦遠乎！

行其學而害秦者，商鞅也；舍其學而害秦者，李斯也。商君禁遊宦，而李斯諫

逐客，其始之不同術也，而卒出於同者，豈其本志哉？宋之世王介甫以平生所學，建熙寧新法，其後章惇、曾布、張商英、蔡京之倫，曷嘗學介甫之學邪？而以介甫之政促亡宋，與李斯事頗相類。夫世言法術之學，足亡人國，固也。吾謂人臣善探其君之隱，一以委曲變化從世好者，其爲人尤可畏哉！尤可畏哉！

【蘇子瞻】即宋蘇軾，有荀卿論。

【中葉】中世也。詩商頌：昔在中葉。

【孝公】名渠梁。

【商鞅教孝公四句】鞅姓公孫

氏，衛之庶孽，相秦，受封於商。燬也。告，謂告叢坐，謂連坐。韓非子：商鞅教秦孝公以連什伍，設告坐之過，燬詩書而明法令，塞私門之請，

禁游宦之民，顯耕戰之士，主以尊安，國以富彊。

【始皇】名政，莊襄王子。

【逆】迎也。

【二世】名胡亥，始皇少子。

【焚詩書

禁學士】史記秦始皇本紀：丞相斯官非秦紀皆燬之，非博士官所職，天下敢有藏詩書百家語者，悉詣守尉雜燬之，有敢偶語

詩書，棄市，以古非今者，族。

【督責】

史記本傳：斯子由爲三川守，蠶盜吳廣等西略地過去，弗能禁，使者覆案三川，以斯居三公位，如

何令盜如此，斯恐懼不知所出，以書對曰：夫賢主者，必行督責之術者也。督責必，則所求得，所求得，則國家富，國家富，則君樂樂，故督責

之術設，則所欲無不得矣。羣臣百姓，救過不給，何變之敢圖。書奏，二世悅，於是行督責益嚴。

【疾首頻蹙】孟子：羣疾首蹙頞而相

告，頻，眉顰貌。

【五刑】古以墨、劓、剕、宮、大辟爲五刑。

【夷三族】夷，誅滅也。父母、兄弟、妻子爲三族。

【眇能視四句】眇，目偏

盲也。跛，足偏廢也。喑，聾也。語見易。

【頌】與誦訟通，訟言，公言也。

【諫逐客】秦始皇即位，逐諸侯之客，李斯亦在逐中，上書諫之。

【王介甫】名安石，宋神宗時相，主行新法。

【熙寧新法】熙寧，宋神宗年號。新法，謂均輸、市易、方田、免役、保甲、保馬諸法。

【章惇】字子厚，浦城人，哲宗時相，引其黨蔡京、蔡卞等盡復熙寧之政，後貶睦州卒。

【曾布】字子宣，南豐人，與惇比，贊行新法。

【張商英】字天覺，蜀州新津人，主行新法，陪蘇文彥博等。

【蔡京】字元長，仙遊人，徽宗時相，復王安石新法，欽宗時貶死。

左傳補注序

左氏之書，非出一人所成，自左氏、邱明作傳以授曾申，申傳吳起，起傳其子期，期傳楚人鐸椒，椒傳趙人虞卿，虞卿傳荀卿，蓋後人屢有附益，其爲邱明說經之舊，及爲後所益者，今不知孰爲多寡矣。余考其書，於魏氏事，造飾尤甚，竊以爲吳起爲之者蓋尤多。夫魏絳在晉悼公時，甫佐新軍，在七人下耳，安得平鄆之後，賜樂獨以與絳？魏獻子合諸侯，干位之人，而述其爲政之美，詞不恤其夸，此豈信史所爲論本事而爲之傳者耶？國風之魏，至季札時亡久矣，與邶、鄘、衛、鄭等，而札胡獨美之曰：『以德輔此，則明主也。』此與魏大名，公侯子孫必復其始之談，皆造飾以媚魏君者耳。又忘明主之稱，乃三晉篡位後之稱，非季札時所宜有。

適以見其誣焉耳。

自東漢以來，其書獨重，世皆溺其文詞，宋儒頗知其言之不盡信，然遂以譏及左氏，則過矣。彼儒者親承孔子學以授其徒，言亦約耳，烏知後人增飾若是之多也哉！若乃其文既富，則以存賢人君子之法言，三代之典章，雖不必邱明所記，而固已足貴，君子擇焉可也。自服杜以後，解其文者，各有異同，近時有顧亭林、惠定宇皆爲之補注，余以爲有未盡，乃別記所見者，若總古今之說，擇善用之，萃爲一書，則以俟後之君子。

【左氏邱明】魯太史。【曾申】魯人，曾參子。【吳起】衛人，仕魏爲將，以兵略名於時。【虞卿】趙孝成王時相。【荀卿】趙

人，名況。【魏絳】晉大夫。【佐新軍】萬二千五百人爲軍，周制，王六軍，大國三軍，每軍帥佐各一人。晉於武公時僅一軍，獻公增爲

二軍，文公增爲三軍，至景公十二年，又於三軍外另立三軍，撥於僖天子之六軍，故名之曰新。悼公時，趙武爲新中軍帥，魏絳佐之，七人

者，舊三軍之帥佐及武也。【賜樂】左襄：鄭人賂晉侯以師裨師觸師，廣軍，軌車，淳，十五乘，甲兵備，凡兵車百乘，歌鐘二肆，及其鍾磬

女樂二八，晉侯以樂之半賜魏絳，絳於是乎始有金石之樂。【魏獻子三句】魏獻子，晉大夫，魏紆，於頃公十二年代韓起爲政。左昭

晉魏紆韓不信如京師，合諸侯之大夫於狄泉，謀盟，且令城成周，魏子南面，衛彪後曰：魏子必有大咎，千位以令大事，非其任也。【信

【史】史籍之足信者，論本事而爲之傳。漢書藝文志：左丘明恐弟子各安其意以失其真，故論本事而作傳，明夫子不以空言說經也。

【國風之魏】魏封於周初，於周爲同姓，詩十五國風，魏風列在第九，魯閔公元年，晉伐魏滅之。

【邶鄘鄭】邶，詩作檜，此本左傳。時正義：邶鄘衛者，南村畿內之地名。漢書地理志云：周既滅殷，分其畿內爲三國，時風邶鄘衛國是也。邶以封紂子武庚，鄘管叔尹之，衛蔡叔尹之，以監殷民，謂之三監。故書序曰：武王崩，三監叛，周公誅之，盡以其地封弟康叔，故邶鄘衛三國之詩，相與同風。又檜國，居潯洧之閒，陸終第四子求言後。按鄭語：史伯於幽王之世，爲桓公謀滅魏檜，至平王之初，武公滅之。

【札胡獨美之三句】左襄：吳公子札來聘，請觀於周樂，爲之歌魏曰：美哉，風風乎！大而婉，險而易行，以德輔此，則明主也。

【魏大名句】左閔：晉侯作二軍，公將上軍，太子申生將下軍，趙夙御戎，畢萬爲右，以滅耿滅霍滅魏，還爲太子城曲沃，賜趙夙耿，賜畢萬魏，以爲大夫。卜偃曰：畢萬之後必大，萬，盈數也。魏，大名也。以是始賞，天啓之矣。初，畢萬筮仕於晉，遇屯之比，辛廖占之，曰：吉，屯固比入，合而能固，安而能殺，公侯之卦也，公侯之子孫，必復其始。注：萬，畢公高之後，爲魏之子孫衆多張本。

【魏君】謂魏文侯斯，武侯擊。

【三晉】通鑑：周考王四年，晉哀公卒，子柳立，時晉獨有絳，曲沃，餘皆入韓、趙、魏氏，號三晉。晉侯畏，反朝焉。又威烈王二十三年，初命晉大夫魏斯趙籍韓虔爲諸侯。

【服杜】服虔，東漢靈帝時人，著有春秋左氏傳解。杜預，晉武帝時人，著有春秋左傳集解。

【顧亭林惠定宇之補注】亭林，名炎武，明末崑山人，著有左傳杜解補正。定宇，名棟，清吳縣人，著有左傳補注。

【西魏書序】元魏之末，孝武帝西奔，依宇文泰，都長安，是爲西魏，凡三主，二十三年，禪位於北周。

【元魏之末，孝武帝西奔，依宇文泰，都長安，是爲西魏，凡三主，二十三年，禪位於北周。】

【元魏之末，孝武帝西奔，依宇文泰，都長安，是爲西魏，凡三主，二十三年，禪位於北周。】

【元魏之末，孝武帝西奔，依宇文泰，都長安，是爲西魏，凡三主，二十三年，禪位於北周。】

【元魏之末，孝武帝西奔，依宇文泰，都長安，是爲西魏，凡三主，二十三年，禪位於北周。】

【元魏之末，孝武帝西奔，依宇文泰，都長安，是爲西魏，凡三主，二十三年，禪位於北周。】

【元魏之末，孝武帝西奔，依宇文泰，都長安，是爲西魏，凡三主，二十三年，禪位於北周。】

【元魏之末，孝武帝西奔，依宇文泰，都長安，是爲西魏，凡三主，二十三年，禪位於北周。】

當拓跋氏之衰，朝廷失政，而邊鎮橫，武夫暴興，而國柄移，天子寄居，亟

去更切

立亟廢，蓋高歡一人而援立之帝三焉。安定廢而孝武興，孝武奔而孝靜立，計其得失之故，雖不甚相遠，而以時論之，則孝靜固始爲孝武之臣也。魏收書，外孝武而以天平爲正，豈理也哉？南康謝蘊山觀察，舊居史職，出剖郡符，閒以退處，數年之暇，慨魏收之失當，撰西魏書二十卷以正其失，可謂勤學稽古雅懷論世者矣。

吾觀李延壽北史本紀，錄孝武於東魏孝靜之前，而不曰西魏，意蓋以收爲非者。然拓跋自崔浩被誅，史筆回罔，故紀道武以往事，多侈詞，又自道武以前二十餘世，加以皇帝之號，延壽因之，不能正也。今觀察所紀，僅在其末二十五年事，固有延壽之得而無其失者。然延壽自序，言見別史千餘卷，今時代遠隔，泯亡無一存，不獲使觀察據之以考稽同異而裁定焉，惜哉！惜哉！讀者知其網羅放失，述作之志，存焉可也。

【拓跋氏】魏本鮮卑種人，謂土爲拓，謂后爲跋，自稱黃帝苗裔，黃帝以土德王，故以爲氏，後改姓元，亦稱元魏。

【亟】屢也。

【高】

【歡】懷朔人，北齊之祖，初仕魏爲冀州刺史，起兵平爾朱氏之亂，孝武西奔，歡別立孝靜帝於洛，尋遷於鄴，是爲東魏，及其子高洋篡立，追尊爲神武帝。

【安定廢而孝武興二句】爾朱氏之亂，高歡立渤海太守元朗爲帝，自爲丞相，爾朱既滅，歡廢朗爲安定王，而立平陽王修，是爲孝武帝。孝武畏歡之逼，西奔入關中，歡乃立清河世子善見於洛陽，即孝靜帝也。

【魏收】鉅鹿人，仕魏及北齊，著有魏書一百十四卷。

【天平】東魏孝靜帝年號。

【南康謝纘山觀察三句】南康，清府名，今江西星子縣，唐代置觀察使，領一道或數州，清之分巡道似之，故俗稱道員爲觀察。明清以來，多以翰林任史館事，故翰林有太史之稱。漢制鑄銅爲虎符，剖其

半以與郡國守相，有所徵發，則合之以爲信，此蓋言其出任知府也。

【李延壽】唐相州人，著有南史八十卷，北史一百卷。

【崔浩】北史崔浩傳：神龜二年，浩及弟覽、高謙、郭纘、晁繼、范享、黃輔等，敍成國書三十卷，著作令史太原閭堪、趙郡饒素詔事浩，乃請立石銘載國書，以彰直筆，浩贊成之，浩書國事備而不典，而石銘顯在衢路，北人忿毒，搆浩於帝，帝使有司案浩，取祕書郎及長歷生數百人意狀，浩服受賕，誅之。清河崔氏無遠近，及范陽盧氏，太原郭氏，河東柳氏，皆浩之姻親，盡夷其族，其祕書郎史以下盡死。

【道武】名珪，在位二十四年，廟號太祖。

【道武以前二十餘世二句】魏書帝紀第一，自成帝毛節帝實以至烈帝麟槐，昭成帝什翼健，凡二十七帝。

【二十五年事】孝武入關不半年，即爲宇文泰所弒，泰立孝武孫寶炬，是爲西魏文帝，在位十七年，殂，子欽嗣，三年而宇文泰廢之，立欽弟廓，是爲恭帝，在位三年，禪位於宇文泰子宇文覺，西魏亡。

【延壽自序二句】北史序傳：至於魏、齊、周、隋、宋、齊、梁、陳、北史，並手自寫，本紀依司馬遷體，以次連續之，又從此八代正史外，更勘雜史，於正史所無者，一千餘卷，皆以編入，其煩冗者，即削去之，始末修撰，凡十六載。

【道武】名珪，在位二十四年，廟號太祖。

莊子章義序

莊子，戰國時楚人莊周著。

漢藝文志莊子五十二篇，陸德明音義載晉宋注莊子者七家，惟司馬彪孟氏載其全書，其餘惟內七篇皆同，外篇雜篇各以意爲去取。自唐宋以後，諸家之本盡亡，今惟有郭象注本，凡三十三篇，其十九篇經象刪去，不可見矣。

昔孔子以詩書六藝教弟子，而性與天道，不可得聞，其得聞者，必弟子之尤賢也。然而道術之分，蓋自是始。夫子游之徒，述夫子語子游，謂人爲天地之心，五行之端，聖人制禮，以達天道，順人情，其意善矣。然而遂以三代之治，爲大道既隱之事也。子夏之徒，述夫子語子夏者，以君子必達於禮樂之原，禮樂原於中之不容己，而志氣塞乎天地，其言禮樂之本亦至矣。然林放問禮之本，夫子告以「寧儉寧戚」而已。聖人非不欲以禮之出於自然者示人，而懼其知和而不以禮節也。由是言之，子游子夏之徒，所述者，未嘗無聖人之道存焉，而附益之不勝其弊。

也。夫言之弊，其始固存乎七十子，而其末遂極乎莊周之倫也。莊子之書，言明於本數及知禮意者，固卽所謂達禮樂之原，而配神明，醇天地，與造物爲人，亦志氣塞乎天地之旨。韓退之謂莊周之學出於子夏，殆其然歟。

周承孔氏之末流，乃有所窺見於道，而不聞中庸之義，不知所以裁之，遂恣其猖狂而無所極，豈非知者過之之爲害乎？其末天下一篇，爲其後序所云，其在詩書禮樂者，鄒魯之士，縉紳先生多能明之，意謂是道之末焉爾！若道之本，則有不離於宗，謂之天人者。周蓋以天人自處，故曰「上與造物者游」，而序之居至人聖人之上，其辭若是之不遜也。而蘇子瞻、王介甫，乃謂其推尊聖人，自居於不該不徧一曲之士，其於莊生，抑何遠哉！若郭象之注，昔人推爲特會莊生之旨，余觀之，特正始以來所謂清言耳！於周之意，十失其四五。夫莊子五十二篇，固有後人雜入之語，今本經象所刪，猶有雜入其辭義，可決其必非莊生所爲者；然則其十九篇，恐亦有眞莊生之書，而爲象去之矣。余惜莊生之旨，爲說者所晦，乃稍論

之，爲章義，凡若干卷。

【陸德明】名元朗，以字行，唐初人。

【郭象】字子元，晉河南人。

【三十三篇】內篇七：逍遙游、齊物論、養生主、人閒世、德充符、

大宗師、應帝王。外篇十五：騁拇、馬蹄、胠篋、在宥、天地、天道、天運、刻意、繕性、秋水、至樂、達生、山木、田子方、知北游。雜篇十一：庚桑楚、徐無鬼、

則陽、外物、寓言、讓王、盜跖、說劍、漁父、列御寇、天下。

【性與天道不可得聞】子貢語，見論語公冶長篇。

【謂人爲天地之

心五句】子游，孔子弟子，姓言，名偃，天地之心等語，見禮禮運。【三代之治大道既隱】見同上。【子夏之徒五句】子夏，

孔子弟子，姓卜，名商，達於禮樂之原等語，見禮孔子閒居。孔子曰：夫民之父母乎，必達於禮樂之原。【林放問禮二句】林放，魯人。

論語：林放問禮之本，子曰：大哉問，禮與其奢也寧儉，喪與其易也寧戚。【知和而不知禮節】論語有子曰：禮之用，和爲貴，又知和

而和，不以禮節之，亦不可行也。【莊子之書七句】莊子，天下古之人其備乎，配神明，醇天地，育萬物，和天下，澤及百姓，明於本數，

係於末度，六通四辟，小大精粗，其運無乎不在。又大宗師：子桑戶、孟子反、子琴張，三人相與友，莫然有閒。而子桑戶死，未葬，孔子聞之，使

子貢往待事焉，或編曲，或鼓琴，相和而歌。子貢趨而進曰：敢問臨尸而歌，禮乎？二人相視而笑曰：是惡知禮意。子貢反，以告孔子，孔子曰：

彼方且與造物者爲人，而游乎天地之一氣，彼又惡能憤憤然爲世俗之禮以觀衆人之耳目哉！【退之】唐韓愈字。【不知所

以裁之】句本論語：裁，刺正也。【猖狂】莊子在宥：猖狂不知所往。【知者過之】中庸：子曰：道之不明也，吾知之矣，知者過之，

愚者不及也。【其在詩書禮樂者三句】【則有不離於宗二句】【上與造物者遊及至人聖人等並

不該不偏一曲之士句】見莊子天下篇。【特正始以來句】正始，三國魏廢帝芳年號，其時士大夫，遺棄世務，討論玄理，

謂之清談，其風迄於兩晉。